

JU Srednja škola za saobraćaj i komunikacije

Sarajevo

Velešići broj 2

71 000 Sarajevo

Djel. br: 06-2859-1

Sarajevo, 16.02.2017.godine

Na osnovu člana 133. Zakona o srednjem obrazovanju ("Službene novine Kantona Sarajevo" broj, 23/10 i 1/16), člana 198. Pravila JU Srednja škola za saobraćaj i komunikacije Sarajevo (Odluka o davanju saglasnosti na Pravila JU Srednja škola za saobraćaj i komunikacije Sarajevo broj : 11 -04-38-7157/15 od 15.10.2015.god.), a u vezi s članom 17. Zakona o javnim nabavkama („Službene novine BiH“, broj: 39/14), Školski odbor JU Srednja škola za saobraćaj i komunikacije Sarajevo na sastanku održanom dana 16.02.2017.godine, donosi:

O D L U K U

o usvajanju Plana nabavki za 2017.godinu

Član 1.

Ovom Odlukom usvaja se Plan nabavki JU Srednja škola za saobraćaj i komunikacije Sarajevo, kojim kao ugovorni organ iz člana 4. Zakona o javnim nabavkama, JU Srednja škola za saobraćaj i komunikacije Sarajevo utvrđuje stvarne potrebe za nabavku roba, radova i usluga u kalendarskoj 2017.godini.

Član 2.

Plan nabavke JU Srednja škola za saobraćaj i komunikacije Sarajevo, primjenjivat će se u skladu sa potrebama Škole, Budžetom za 2017.godinu, kao i raspoloživim finansijskim sredstvima.

Procjena potrebnih roba, usluga i radova je izvršena na osnovu raspoloživih sredstava utvrđenih usvojenim Budžetom za 2017.godinu, kao i analize potrošnje prethodnih godina, dok je procjena novčanih vrijednosti utvrđena na osnovu analize cijena ugovora iz prethodnih godina, kao i uvidom u aktuelne cijene različitih ponuđača, računajući i procjenu porasta cijena na tržištu.

Ugovorni organ zadržava pravo u slučaju obrazloženog zahtjeva zasnovanog na odredbama Zakona o javnim nabavkama da promjeni vrstu postupka i procijenjenu vrijednost nabavke na osnovu obrazloženja zasnovanog na ekonomskim i drugim pokazateljima, kao što su promjene cijena u odnosu na cijene u vrijeme procjene vrijednosti.

Član 3.

Za sve nabavke predviđene Planom nabavki obavezno je donošenje odluke o pokretanju postupka nabavke u formi i sadržaju shodno članu 18.Zakona o javnim nabavkama („Službeni glasnik Bosne i Hercegovine“ broj: 39/14).

Član 4.

Ovaj Plan nabavke može se tokom budžetske godine dopuniti ili izmijeniti, nakon usvajanja rebalansa Budžeta za 2017.godinu , a u slučaju novonastalih okolnosti , koje iziskuju neplaniranu i hitnu javnu nabavku , a u skladu sa Zakonom o javnim nabavkama i drugim relevantnim zakonskim i podzakonskim aktima , za koju se mogu obezbjeđiti sredstva u skladu sa usvojenim budžetom..

Član 5.

Plan nabavke JU Srednja škola za saobraćaj i komunikacije Sarajevo, sastoji se od tekstualanog i tabelarnog dijela.

Tabelarni dio Plana nabavki za 2017.godinu podijeljen je u tri segmenta: robe, usluge i radovi.

Tabelarni prikaz Plana nabavki za 2017.godini je sastavni dio ove Odluke.

Član 6.

Ova Odluka stupa na snagu danom donošenja, a objavit će se na web stranici JU Srednja škola za saobraćaj i komunikacije Sarajevo.

Dostaviti:

- Samostalni referent za plan i analizu
- Dosje Školskog odbora
- Web stranica Škole
- A/a

Predsjednik Školskog odbora

Ševal Kovačević,dipl.ing.saobraćaja